

故宮博物院  
御選詩詞

御選詩詞

宋元詩會

第一冊 共三冊

故宮博物院編

海南出版社

故宮珍本叢刊第 633 冊清代詩文總集

故宮博物院編

# 御選唐宋元明詩

## 宋元詩會

第一冊（共三冊）

海南出版社



圖書在版編目(CIP)數據

御選唐宋元明詩/(清)聖祖選編. —影印本. —海口:海南出版社, 2000. 10\*  
(故宮珍本叢刊)

本書與“宋元詩會/(清)陳焯編”等 9 種書合訂

ISBN 7-80645-752-6

I. 御… II. 聖… III. 文學-作品綜合集-中國-古代 IV. Z121.7

中國版本圖書館 CIP 數據核字(1999)第 68763 號

故宮珍本叢刊第 633 冊

清代詩文總集

御選唐宋元明詩 宋元詩會

第一冊(共三冊)

故宮博物院編

責任編輯:李升召

\*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

\*

2000 年 10 月第 1 版, 2000 年 10 月第 1 次印刷

開本:787×1092 毫米 1/16 印張:24 印數:1-400 冊

ISBN 7-80645-752-6/Z·29

定價:4170 元(清代詩文總集 10 種共 27 冊)

本書如有印裝質量方面問題請與我社或承印廠聯係  
我社為本書每冊(種)書新編的目錄均置於每冊書末

七言排律

春情寄子安

魚玄機 晚唐人

山路欹斜石磴危，不愁行苦苦相思。  
冰銷遠澗憐清韻，雲遶寒臆想玉姿。  
莫聽凡歌春病酒，休招閒客夜貪棋。  
如松匪石盟長在，比翼連襟會肯遲。  
雖恨獨行花盡日，終期相見月圓時。  
特別君何物，堪持贈淚落晴光一首詩。

諸家七言排律

五言古詩

唐太宗皇帝 初唐

帝京篇

秦川雄帝宅，函谷壯皇居。  
綺殿千尋起，離宮百雉餘。  
連甍遙接漢，飛觀迥凌虛。  
雲日隱層闕，風煙出綺疏。

二

巖廊罷機務，崇文聊駐輦。  
玉匣啓龍圖，金繩披鳳篆。  
韋編斷仍續，縹帙舒還卷。  
對此乃淹留，歛案觀墳典。

三

移步出詞林，停輿欣武宴。  
瑯弓寫明月，駿馬疑流電。  
驚雁落虛弦，啼猿悲急箭。  
閑賞誠多美，於茲乃忘倦。

四

鳴笳臨樂館，眺聽歡芳節。  
急管韻朱絃，清歌凝白雪。  
彩鳳肅來儀，元鶴紛成列。  
去茲鄭衛聲，雅音方可悅。

五

芳辰追逸趣，禁苑信多奇。  
橋形通漢上，峰勢接雲危。  
煙霞交隱映，花鳥自參差。  
何如肆轍跡，萬里賞瑤池。

六

飛蓋去芳園  
蘭橈遊翠渚  
萍間日影亂  
荷處香風舉  
桂楫蒲  
中川絃歌振  
長嶼豈必汾  
河曲方爲歡  
宴所

## 七

落日雙闕昏  
迴輿九重暮  
長煙散初碧  
皎月澄輕素  
舉幌翫  
琴書開軒引  
雲霧斜漢耿  
層閣清風搖  
玉樹

## 八

歡樂難再逢  
芳辰良可惜  
玉酒泛雲罍  
蘭肴陳綺席  
千鐘合  
堯禹百獸諧  
金石得志重  
寸陰忘懷輕  
尺璧

## 九

建章歡賞夕  
二八盡妖妍  
羅綺昭陽殿  
芬芳瑋琬筵  
珮移星  
正動扇掩月  
初圓無勞上  
元圖卽此對  
神仙

## 於北平作

翠野駐戎軒  
盧龍轉旌旆  
遙山麗如綺  
長流紫似帶  
海氣百  
重樓巖松千  
丈蓋茲焉可  
遊賞何必襄  
城外

## 初晴落景

晚霞聊自怡  
初晴彌可喜  
日是百花色  
風動千林翠  
池魚躍  
不同園鳥聲  
還異寄言博  
通者知予物  
外志

中宗皇帝

初唐

## 登驪山高頂寓目

四郊秦漢國  
八水帝王都  
閭闔雄里閭  
城闕壯規模  
貫渭稱  
天邑含岐實  
奧區金門披  
玉館因此識  
皇圖

五言古詩

早春桂林殿應詔

上官儀  
初唐

步輦出披香清歌臨太液曉樹流鶯滿春隄芳草積風色翻  
露文雪華上空碧花蝶來未已山光暖將夕

古意

王績  
初唐

桂樹何蒼蒼秋來花更芳自言歲寒性不知露與霜幽人重  
其德徒植臨前堂連攀八九樹偃蹇二三行枝枝自相糾葉  
葉還相當去來雙鴻鵠栖息兩鴛鴦榮陰誠不厚斤斧亦不  
傷赤心許君時此意那可忘

山亭夜宴

王勃  
初唐

桂宇幽襟積山亭京夜未森沉野徑寒肅穆岩扉靜竹晦南  
河色荷翻北潭影清興殊未歸林端照初景

詠風

王勃

肅肅涼景生加我林壑清驅烟尋磻戶卷霧出山楹去來固  
無跡動息如有情日落山水靜爲君起松聲

夜飲東亭

宋之問  
初唐

春水鳴大壑皓月吐層岑壑景色佳慰我遠遊心暗芳足  
幽氣驚栖多衆音高興南山曲長謠橫素琴

冀北春望

崔湜  
初唐

回首覽燕趙春生兩河間曠然萬里餘際海不見山雨歇青  
林潤烟空綠野闊問鄉何處所目送白雲還

謝暉上人夏日林泉

陳子昂  
初唐

聞道白雲居窈窕青蓮宇岩泉萬丈流樹石千年古林臥對  
軒窓山陰滿庭戶方釋塵事勞從君襲蘭杜

早發苦竹館

李嶠  
初唐

合沓巖嶂深朦朧烟霧曉荒阡下樵客野猿驚山鳥開門聽  
潺湲入徑尋窈窕栖憩抱寒木流螢飛暗篠早霞稍霏霏殘

月猶皎皎行看遠星稀漸覺遊氛少我行撫輅傳兼得旁林

沼貪翫水石奇不知川路渺徒憐野心曠詎測浮年小方解  
寵辱情未託累塵表

嵩嶽聞笙

劉庭芝  
初唐

月出嵩山東月明山益空山人愛清景散髮臥秋風風止夜  
河清獨夜草蟲鳴仙人不可見乘月近吹笙絳唇吸靈氣玉  
指調眞聲眞聲是何曲三山鸞鶴情昔去落塵俗願言聞此  
曲今來臥嵩岑何幸承幽音神仙樂吾事笙歌銘夙心

耶溪泛舟

孟浩然  
盛唐

落影餘清暉輕棹弄溪渚澄明愛水物臨泛何容與白首垂釣翁新粧浣紗女看看似相識脉脉不得語

南亭懷辛子

孟浩然

山光忽西落池月漸東上散髮乘夕涼開軒臥閑敞荷風送香氣竹露滴清響欲取鳴琴彈恨無知音賞感此懷故人中宵勞夢想

月下獨酌

李 白 盛唐人

花間一壺酒獨酌無相親舉杯邀明月對影成三人月既不解飲影徒隨我身暫伴月將影行樂須及春我歌月徘徊我舞影凌亂醒時同交歡醉後各分散永結無情遊相期邈雲

漢

聽蜀僧濬彈琴

李 白

蜀僧抱綠綺西下峨眉峰爲我一揮手如聽萬壑松客心洗流水餘響入霜鐘不覺碧山暮秋雲暗幾重

望終南山寄紫閣隱者

李 白

出門見南山引領意無限秀色難爲名蒼翠日在眼有時白雲起天際自舒卷心中與之然託興每不淺何當造幽人滅跡棲絕巘

落日憶山中

李 白

雨後烟景綠晴天散餘霞東風隨春歸發我枝上花花落時欲暮見此令人嗟願遊名山去學道飛丹砂

齋心

王昌齡 盛唐人

女蘿覆石壁溪水幽朦朧紫葛蔓黃花娟娟寒露中朝飲花上露夜臥松下風雲英化爲水光彩與我同日月蕩精魄寥寥天府空

江上琴興

常 建 盛唐人

江上調玉琴一絃清一心冷冷七絃遍萬木澄幽陰能使江月白又令江水深始知枯桐枝可以徽黃金

登勝果寺南樓雨中望嚴協律

錢 起 中唐人

微雨侵晚陽連山半藏碧林端陟香榭雲外遲來客孤村疑片烟去水生遠白但佳川原趣不覺城池夕更喜眼中人清光漸咫尺

遊龍門香山泉

韋應物 中唐人

山水本自佳遊人已忘慮碧泉更幽絕賞愛未能去潺湲寫幽磴緯綫帶嘉樹激轉忽殊流歸泓又同注羽觴自成翫求日亦延趣靈草有時香仙源不知處還當候圓月攜手重遊

寓

戲題堦前芍藥

柳宗元 中唐

凡卉與時謝妍華麗茲晨敬紅醉濃露窈窕留餘春孤賞白日暮喧風動搖頻夜窓謁芳氣幽臥知相親願致溱洧贈悠

悠南國人

山居

長孫佐輔 中唐

看書愛幽寂結宇青冥間飛泉引風听古桂和雲攀地深草木稠境靜魚鳥閒陰氣晚出谷朝光先照山有時獨杖藜入夜猶啓關星昏飛鳥過火出樵童還神體自和志不是離人

謝家五言古詩

五

寰

七言古詩

明皇帝 盛唐

春臺望

暇景屬三春高臺聊四望目極千里際山川一何壯太華見重巖終南分疊嶂郊原紛綺錯參差多異狀佳氣滿通溝遲步入綺樓初鶯一一鳴紅樹歸雁雙雙去綠洲太液池中下黃鶴昆明水上映牽牛聞道漢家全盛日別館離宮趣非一甘泉遙邁亘明光五柞連延接未央周廬徹道縱橫轉飛閣迴軒左右長須念作勞居者逸勿言我後焉能恤爲想雄豪壯相梁何如儉陋卑茅室陽鳥黯黯向山沈夕鳥喧喧入上林薄暮賞餘回步輦還念中人罷百金

明皇七言古詩

七言古詩

寒食陸渾別業

宋之問

初唐

洛陽城裏花如雪，陸渾山中今始發。  
旦別河橋楊柳風，夕卧伊川桃李月。  
伊川桃李正芳新，寒食山中酒復春。  
野老不知戎舜力，酣歌一曲太平人。

山陰縣西樓

孫逖

初唐

都邑西樓芳樹間，逶迤霽色繞江山。  
山月夜從公署出，江雲晚對訟庭還。  
誰知春色朝朝好，二月飛花滿江草。  
一見湖邊楊柳風，遙憶青青洛陽道。

侍從宜春苑奉詔賦龍池柳色初青聽新鶯百囀歌

李白

盛唐

東風已綠瀛洲草，紫殿紅樓覺春好。  
池南柳色半青青，禁烟裊娜拂綺城。  
垂絲百尺挂雕楹，上有好鳥相和鳴。  
間關得春風情，春風卷入碧雲去。  
千門萬戶皆春聲，是時君王在錦宮。  
五雲垂輝耀紫清，仗出金宮隨日轉。  
天回玉輦繞花行，始向蓬萊看舞鶴。  
還過藍石聽新鶯，新鶯飛繞上林苑。  
願入簫韶雜鳳笙。

送羽林陶將軍

李白

將軍出使擁樓船，江上旌旗拂紫烟。  
萬里橫戈探虎穴，三杯拔劍舞龍泉。  
莫道詞人無膽氣，臨行將贈繞朝鞭。

別山僧

李白

何處名僧到水西，乘舟弄月宿涇溪。  
平明別我上山去，手携金策踏雲梯。  
騰身轉覺三天近，舉足回看萬嶺低。  
謔浪肯居支遁下，風流還與遠公齊。  
此度別離何日見，相思一夜曉猿啼。

把酒問月

李白

青天有月來幾時，我今停杯一問之。  
人攀明月不可得，月行却與人相隨。  
皎如飛鏡臨丹闕，綠烟滅盡清輝發。  
但見宵從海上来，寧知曉向雲間没。  
白兔搗藥秋復春，嫦娥孤棲與誰隣。  
今人不見古時月，今月曾經照古人。  
古人今人若流水，共看明月皆如此。  
唯願當歌對酒時，月光長照金尊裏。

元都壇寄元逸人

杜甫

盛唐

故人昔隱東蒙峰，已佩含景蒼精龍。  
故人今居子午谷，獨在陰崖結茆屋。  
屋前太古元都壇，青石漠漠常風寒。  
子規夜啼山竹裂，王母晝下雲旗翻。  
知君此計成長往，芝草琅玕日應長。  
鍊鑠高垂不可攀，致身福地何蕭爽。

## 戲題王宰畫山水圖歌

杜甫

十日畫一水五日畫一石能事不受相促迫王宰始肯留真蹟壯哉崑崙方壺圖挂君高堂之素壁巴陵洞庭日本東赤岸水與銀河通中有雲氣隨飛龍舟人漁子入浦徹山木盡亞洪濤風尤工遠勢古莫比咫尺應須論萬里焉得并州快剪刀剪取吳松半江水

## 飲中八仙謔

杜甫

知章騎馬似乘船眼花落井水底眠汝陽三斗始朝天道逢麴車口流涎恨不移封向酒泉左相日興費萬錢飲如長鯨

諸家七言古詩

三

吸百川銜杯樂聖稱世賢宗之瀟灑美少年舉觴白眼望青天皎如玉樹臨風前蘇晉長齋綉佛前醉中往往愛逃禪李白一斗詩百篇長安市上酒家眠天子呼來不上船自稱臣是酒中僊張旭三杯草聖傳脫帽露頂王公前揮毫落紙如雲烟焦遂五斗方卓然高譚雄辯驚四筵

## 漁父

岑參  
盛唐人

扁舟滄浪叟心與滄浪清不自道鄉里無人知姓名朝從灘上飯暮向蘆中宿歌竟還復歌手持一竿竹竿頭釣絲長丈餘鼓棹乘流無定居世人那得識深意此翁取適非取魚

## 范公叢竹歌

并序

岑參

職方郎中兼侍御史范公廵於陝西使院內種竹新製叢竹歌以見示美范公之清致雅操遂爲歌以和之

世人見竹不解愛知君種竹庭府內此君託根幸得地種來幾時聞已大盛夏脩脩叢色寒開宵撼撼葉聲乾能清案牘簾下見宜對琴書牕外看爲君成陰將蔽日迸笋穿階踏還出守節偏凌御史霜虛心願比郎官筆君莫愛南山松樹枝竹色四時也不移寒天草木黃落盡猶自青青君始知

諸家七言古詩

四

## 薔薇

儲光羲  
盛唐人

裊裊長數尋青青不作林一莖獨秀當庭心數枝分作滿庭陰春日遲遲欲將半庭影離離正堪玩枝上嬌鶯不畏人葉底飛蛾自相亂秦家女兒愛芳菲畫眉相伴采葳蕤高處紅鬚欲就手低邊綠刺已牽衣蒲桃架上朝光滿楊柳園中暝鳥飛連袂踏歌從此去風吹香氣逐人歸

## 宿東溪李十五山亭

王季友  
盛唐人

上山下山入山谷溪中落日留我宿松石依依當主人主人不在意亦足名花出地兩重階絕頂平天一小齋本意由來

是山水何用相逢語舊懷

畫鶴篇

錢起  
中唐

點素凝姿任畫工霜毛玉羽照簾櫳  
借問飛鳴華表上何如  
粉纈綵屏中文昌宮近芙蓉闕蘭室  
氤氲香且結鑪氣朝成  
綵嶺雲銀燈夜作華亭月日暖花明  
梁燕歸應驚片雪在僊  
關主人顧盼千金重誰肯徘徊五里飛

郢州西樓吟

郎士元  
中唐

連山盡處水縈迴山上城門臨水開  
朱闌直下一百丈日暖  
遊鱗自相向昔人愛險閉層城今人  
愛閒江復清沙洲楓岸  
無來客草綠花紅山鳥鳴

聽鶯曲

韋應物  
中唐

東方欲曙花冥冥啼鶯相喚亦可聽  
乍去乍來時近遠纔聞  
南陌又東城忽往上林翻下苑綿綿  
蠻蠻如有情欲轉不轉  
意自嬌羌兒弄笛曲未調前聲後聲  
不相及秦女學箏指猶  
澁須臾風暖朝日曷流音變作百鳥  
喧誰家懶婦驚殘夢何  
處愁人憶故園伯勞飛過聲局促戴  
勝下時桑田綠不及流  
鶯日日啼花間能使萬家春意闌有  
時斷續聽不了飛去花  
枝猶裊裊還栖碧樹鎖千門春漏方  
殘一聲曉

和李中丞慈恩寺清上人院牡丹花歌  
權德輿  
中唐

澹蕩韶光三月中牡丹偏自占春風  
時過寶地尋香徑已見  
新花出故叢曲水亭西杏園北濃芳  
深院紅霞色擢秀全勝  
珠樹林結根幸在青蓮域艷藥仙房  
次第開含烟洗露照蒼  
苔麗眉倚杖禪僧起輕翅紫枝舞蝶  
來獨坐南臺時共美閒  
行古剎情何已花間一曲奏陽春應  
爲芬芳比君子

漁翁

柳宗元  
中唐

漁翁夜傍西巖宿曉汲清湘然楚竹  
烟銷日出不見人欸乃  
一聲山水綠迴看天際下中流巖上  
無心雲相逐

宿北樂館

陳閨  
不知世次

欲眠不眠夜深淺越鳥一聲空山遠  
庭木蕭蕭落葉時溪聲  
雨聲聽不辨溪流潺潺雨習習燈影  
山光滿窓入棟裏不知  
渾是雲曉來但覺衣裳濕

五言律詩

唐太宗皇帝 初唐

詠雨

罩雲飄遠岫噴雨泛長河低飛昏嶺腹斜足灑巖阿  
泣叢珠絳葉起溜鏡圖波濛柳添絲密含吹織空羅

秋日翠微宮

秋光凝翠嶺涼吹肅離宮荷疎一蓋缺樹冷半帷空  
側陣移鴻影圓花釘菊叢攄懷俗塵外高眺白雲中

秋日

太宗五言律詩

菊散金風起荷疎玉露圓將秋數行雁離夏幾林蟬  
雲凝愁半嶺霞碎纈高天還似成都在望直見蛾眉前

守歲

暮景斜芳殿年華麗綺宮寒辭去冬雪暖帶入春風  
階馥舒梅素盤花卷燭紅共歡新故歲迎送一宵中

三層閣上置音聲

綺筵移暮景紫閣引宵煙隔棟歌塵合分階舞影連  
聲流三處管響亂一重絃不似秦樓上吹簫空學仙

秋日

爽氣澄蘭沼秋香動桂林露凝千片玉菊散一叢金  
日吐高低影雲垂點綴陰蓬瀛不可望泉石且娛心

明皇帝 盛唐

送賀知章歸四明 并序

天寶三年太子賓客賀知章鑒止足之分抗歸老之疏  
解組辭榮志期入道朕以其年在遲暮用循挂冠之事  
俾遂赤松之遊正月五日將歸會稽遂餞東路乃命六  
卿庶尹大夫供帳青門寵行邁也豈惟崇德尚齒亦  
勵俗勸人無令二疏獨光漢冊乃賦詩贈行

明皇五言律詩

遺榮期入道辭老竟抽簪豈不惜賢達其如高尚心  
寰中得祕要方外散幽襟獨有青門餞羣僚悵別深

同劉晃喜雨

節變寒初盡時和氣已春繁雲先合寸膏雨自依旬  
颯颯飛平野霏霏靜暗塵懸知花葉意朝夕望中新

幸蜀西至劍門

劍閣橫雲峻鑿輿出狩迴翠屏千仞合丹嶂五丁開  
灌木縈旗轉仙雲拂馬來乘時方在德嗟爾勒銘才

五言律詩

侍宴歸雁堂

虞世南  
初唐

歌堂面綠水舞館接金塘竹開霜後翠梅動雪前香鳬歸初  
命侶雁起欲分行刷羽同棲集懷恩愧稻粱

早春桂林殿應詔

陳叔達  
初唐

金鋪照春色玉律動年華朱樓雲似蓋丹桂雪如花水岸銜  
階轉風條出柳斜輕輿臨太液湛露酌流霞

初秋夜坐應詔

楊師道  
初唐

玉琯涼初應金壺夜漸闌蒼池流稍潔仙掌露方溥雁聲風

處斷樹影月中寒爽氣長空淨高吟覺思寬

詠雪應詔

上官儀  
初唐

禁園凝朔氣瑞雪掩晨曦花明棲鳳閣珠散影娥池飄素迎  
歌上翻光向舞移幸因千里映還繞萬年枝

野望

王績  
初唐

東臯薄暮望徙倚欲何依樹樹皆秋色山山唯落暉牧人驅  
犢返獵馬帶禽歸相顧無相識長歌懷採薇

春晚山莊二首

盧照隣  
初唐

顧步三春晚田園四望通游絲橫惹樹戲蝶亂依叢竹嬾偏

宜水花狂不待風唯餘詩酒意當了一生中

其二

盧照隣

田家無四隣獨坐一園春鶯啼非選樹魚戲不驚輪山水彈  
琴盡風花酌酒頻年華已可樂高興復畱人

秋菊

駱賓王  
初唐

擢秀三秋晚開芳十步中分黃俱笑日含翠共搖風碎影隨  
流動浮香隔岸通金翅徒可泛玉竿誰同

蓬萊三殿侍宴奉勅咏終南山

杜審言  
初唐

北斗挂城邊南山倚殿前雲標金闕迴樹杪玉堂懸半嶺通

佳氣中峰繞瑞烟小臣持獻壽長此戴堯天

梨園亭侍宴應制

杜審言

年光陌上發香輦禁中遊草綠鶯鶯殿花紅翡翠樓天杯承  
露酌仙管雜風流今日陪歡豫皇恩不可酬

和晉陵陸丞早春遊望

杜審言

獨有宦遊人偏驚物候新雲霞出海曙梅柳渡江春淑氣催  
黃鳥晴光轉綠蘋忽聞歌古調歸思欲沾巾

長寧公主東莊侍宴

李嶠  
初唐

別業臨青甸鳴鑾降紫霄長筵鷁鷺集仙管鳳凰調樹接南

山近烟舍北渚遙承恩咸已醉戀賞未還鑣

甘露殿侍宴應制

李嶠

月宇臨丹地雲牕網碧紗御筵陳桂醕天酒酌榴花水向浮  
橋直城連禁苑斜承恩忭歡賞歸路滿烟霞

夏日仙夢亭應制

宋之問  
初唐

高嶺逼星河乘輿此日過野舍時雨潤山雜夏雲多  
睿藻光巖穴宸襟洽薜蘿悠然小天下歸路滿笙歌

麟趾殿侍宴應制

宋之問

北闕層城峻西宮複道懸乘輿歷萬戶置酒望三川花柳含

丹日山河入綺筵欲知陪賞處空外有飛烟

春日芙蓉園侍宴

宋之問

芙蓉秦地沼盧橘漢家園谷轉斜盤徑川迴曲抱原風來花  
自舞春入鳥能言侍宴瑤池夕歸途騎吹繁

扈從登封途中作

宋之問

帳殿鬱崔嵬仙遊實壯哉曉雲連幕捲夜火雜星回谷暗千  
旗出山鳴萬乘來扈遊良可賦終乏揆天才

松山嶺

宋之問

翼翼高旌轉鏘鏘鳳輦飛塵銷清蹕路雲濕從臣衣白羽搖

丹壑天營逼翠微芳聲耀千古四海警宸威

陸渾山莊

宋之問

歸來物外情負杖闕岩耕源水看花入幽林採藥行野人相  
問姓山鳥自呼名去去獨吾樂無能愧此生

春日登九華觀

陳子昂  
初唐

白玉仙臺古丹丘別望遙山川亂雲日樓榭入烟霄鶴舞千  
年樹虹飛百尺橋還疑赤松子天路坐相邀

仲春郊外

王勃  
初唐

東園垂柳徑西堰落花津物色連三月風光絕四隣鳥飛村

覺曙魚戲水知春初晴山院裏何處染蠶塵

聖泉

王勃

披襟乘石磴列籍俯春泉蘭氣熏山酌松聲韻野絃影飄垂  
葉外香度落花前典洽林塘晚重巖起夕煙

清暉樓遇雪應制

宗楚客  
初唐

窈窕神仙閣參差雲漢間九重中禁啓七日早春還太液天  
爲水蓬萊雪作山今朝上林樹無處不堪攀

侍宴瀛水賦得長字

宗楚客

御輦出明光乘流泛羽觴珠胎隨月減玉漏與年長寒盡梅

猶白風遲柳未黃日斜旌騎轉休氣展林塘

立春日侍宴內出綵花樹應制

沈佺期  
初唐

合殿春應早開箱綵預知花迎宸翰發葉待御筵披梅訝香  
全少桃驚色頓移輕生承剪拂長伴萬年枝

三月禁園侍宴

沈佺期

九重馳道出三已稷堂開畫鷁中川動青龍上苑來野花飄  
御座河柳拂天杯日晚迎祥處笙鏞下帝臺

遊少林寺

沈佺期

長歌遊寶地徙倚對珠林雁塔風霜古龍池歲月深紺園澄  
夕霽碧殿下秋陰歸路烟霞晚山蟬處處吟

故洛陽城侍宴應制

姚崇  
初唐

遊豫停仙蹕登臨對晚晴川鳧連倒影崑鳥應虛聲野奏風  
成曲山居雲作纓今朝丘壑上高興小蓬瀛

夜渡江

姚崇

夜渚帶浮烟蒼茫晦遠天舟輕不覺動纜急始知牽聽草遙  
尋岸聞香暗識蓮惟看孤帆影常恐客心懸

恩敕麗正殿書院賜宴應制得林字

張說  
初唐

東壁圖書府西園翰墨林誦詩聞國政講易見天心位竊和

羹重恩叨醉酒深載歌春興曲情竭爲知音

湖口望廬山瀑布水

張九齡  
初唐

萬丈紅泉落迢迢半紫氛奔流下雜樹洒落出重雲日照虹  
霓似天清風雨聞靈山多秀色空水共氤氲

春日山莊

韋述  
初唐

初歲開韶月田家喜載陽晚晴搖水態遲景蕩山光浦淨漁  
舟遠花飛樵路香自然成野趣都使俗情忘

宿雲門寺閣

孫逖  
初唐

香閣東山下煙花象外幽懸燈千嶂夕卷幔五湖秋畫壁餘  
鴻雁紗窗宿斗牛更疑天路近夢與白雲遊

次北固山下

王灣  
盛唐

客路青山外行舟綠水前潮平兩岸闊風正一帆懸海日生  
殘夜江春入舊年鄉書何處達歸雁洛陽邊

岳陽晚景

張均  
盛唐

晚景寒鴉集秋風旅雁歸水光浮日去霞彩映江飛洲白蘆  
花吐園紅柿葉稀長沙卑濕地九月未成衣

小園獨酌

張均

柳帶誰能結花房未肯開空餘雙蝶舞竟絕一人來半展龍

鬚席輕斟瑪瑙杯年年春不定虛信歲前梅

臨洞庭

孟浩然  
盛唐人

八月湖水平涵虛混太清氣蒸雲夢澤波撼岳陽城欲濟無  
舟楫端居恥聖明坐觀垂釣者徒有美魚情

大禹寺義公房

孟浩然

義公習禪寂結宇依空林戶外一峰秀堦前衆壑深夕陽連  
雨足空翠落庭陰看取蓮花淨方知不染心

謝張少府

王維  
盛唐人

晚年唯好靜萬事不關心自顧無長策空知返舊林松風吹

解帶山月照彈琴君問窮通理漁歌入浦深

送元中丞轉運江淮

王維

薄稅歸天府輕徭賴使臣歡沾賜帛老恩及卷綃人去問珠  
官俗來經石蜺春東南卸亭上莫使有風塵

登城樓作

王維

井邑傳巖上客亭雲霧間高城眺落日極浦映蒼山岍火孤  
舟宿漁家夕鳥還寂寥天地暮心與廣川閑

觀獵

王維

風勁角弓鳴將軍獵渭城草枯鷹眼疾雪盡馬蹄輕忽過新

豐市還歸細柳營回看射雕處千里暮雲平

過香積寺

王維

不知香積寺數里入雲峰古木無人徑溪山何處鐘泉聲咽  
危石日色冷青松薄暮空潭曲安禪制毒龍

歸朝川作

王維

谷口疎鐘動漁樵稍欲稀悠然遠山暮獨向白雲歸菱蔓弱  
難定楊花輕易飛東臯春草色惆悵掩柴扉

終南山

王維

太乙近天都連山到海隅白雲迴望合青靄入看無分野中

峯變陰晴衆壑殊欲投人處宿隔水問樵夫

漢江

王維

楚塞三湘接荆門九派通江流天地外山色有無中郡邑浮  
前浦波瀾動遠空襄陽好風日留醉與山翁

山居秋暝

王維

空山新雨後天氣晚來秋明月松間照清泉石上流竹喧歸  
浣女蓮動下漁舟隨意春芳歇王孫自可留

山居即事

王維

寂寞掩柴扉蒼茫對夕暉鶴巢松樹遍人訪華門稀綠竹含

新粉紅蓮落故衣渡頭烟火起處處採菱歸

詠山泉

儲光義  
盛唐

山中有流水借問不知名映地爲天色飛空作雨聲轉來溪澗滿分出小池平恬澹無人見年年長自清

對酒曲

賈至  
盛唐

梅發柳依依黃鸝歷亂飛當歌憐景色對酒惜芳菲曲水浮花氣流風散舞衣通宵雷暮雨上客莫言歸

宮中行樂詞

李白  
盛唐

繡戶香風暖紗牕曙色新宮花爭笑日池草暗生春綠樹聞

諸家五言律詩

歌烏青樓見舞人昭陽桃李月羅綺自相親

其三

李白

盧橘爲秦樹蒲萄出漢宮烟花宜落日絲管醉春風笛奏龍吟水簫鳴鳳下空君王多樂事還與萬方同

觀獵

李白

太守耀清威乘閒弄晚暉江沙橫獵騎山火遶行圍箭逐雲鴻落鷹隨月兔飛不知白日暮歡賞夜方歸

秋登宣城謝朓北樓

李白

江城如畫裏山曉望晴空兩水夾明鏡雙橋落彩虹人烟寒

橘柚秋色老梧桐誰念北樓上臨風懷謝公

送友人入蜀

李白

見說蠶叢路崎嶇不易行山從人面起雲向馬頭生芳樹籠秦棧春流繞蜀城升沉應已定不必問君平

渡荆門送別

李白

渡遠荆門外來從楚國遊山隨平野盡江入大荒流月下飛天鏡雲生結海樓仍憐故鄉水萬里送行舟

江上待月有懷

李白

待月月未出望江江自流倏忽城西郭青天懸玉鉤素華雖

諸家五言律詩

可攬清景不同遊耿耿金波裏空瞻鵲樓

陶家亭子

李白

曲巷幽人宅高門大士家池開照膽鏡林吐破顏花綠水藏春日青軒秘晚霞若聞絃管妙金谷不能誇

春宿左省

杜甫  
盛唐

花隱掖垣暮啾啾棲鳥過星臨萬戶動月傍九霄多不寢聽金鑰因風想玉珂明朝有封事數問夜如何

懷李白

杜甫

白也詩無敵飄然思不羣清新吏開府俊逸鮑參軍渭北春